


Lu

do



Lubiński Maciej Arcybisk. Gnieźn

dar H. Bukowskiego z Sztokholmu № 1675.





EPISTOLA SYNODI  
PROVINCIALIS POLONIÆ

celebratæ Varsaviæ Anno 1643.

duodecimâ Mensis Novembris,

*AD DISSIDENTES IN REBUS FIDEI*

*ab*

ECCLESIA CATHOLICA

ROMANA: in Regno Poloniæ, Magnoq;

Ducatu Lithvaniæ, qua ad amicum congressum & fra-  
ternam reconciliationem invitantur Torunium.

in Prussia ad diem decimam Octob.

Anno 1644. *CP*



EPISTOLA SYNO-  
DICA

collebrata Venerabilis Patris  
quondam Martini



ECCLÉSIA CATHOLICA

ROMANA: in

1775

1776

Anno 1776





**M**atthias Lubieski, Dei &  
Apostolicæ Sedis gratiâ Archiepiscopus  
Gnesnensis, Legatus Natus, Regni  
Poloniæ Primas, Primusq; Princeps,  
cæteri; Regni & Magni Lithvaniæ Ducatus Epi-  
scopi, Varaviæ in Synodo Provinciali legitimè  
congregati.

Illustrissimis, Illustribus, Magnificis, Gene-  
rosis, Nobilibus, Clarissimis, Spectabilibus, &  
Eruditis Viris, nec non Universis & singulis cu-  
juscunq; Status & Ordinis, tam Secularibus quàm  
Ecclesiasticis ab Ecclesia Catholica Romana Dis-  
sidentibus, in Regno Poloniæ & annexis eidem  
Provinciis existentibus. salutem animarum &  
omnem prosperitatem.

Illustrissimi, Illustres, Magnifici, Generosi,  
Nobiles, Clarissimi, Spectabiles, & Eruditi  
Viri.



**Triste Religionis disfidium**, quod hoc Regnum annexasq; illi Provincias, uno jam seculo fatigat, non potuit Christiani fraterniq; amoris necessitudinem, quam Vobiscum tanquam unius Regni cives constitutam habemus, dissolvere: neq; Pastoralem de Vobis sollicitudinem ex animis nostris, quos Spiritus Sanctus posuit Episcopos regere Ecclesiam Dei, quam acquisivit sanguine suo, unquam eximere. Qua urgente in hac sacra Provinciali Varlavienſi Synodo de eo in primis deliberavimus, quomodo Vobis in unius Religionis nomen doctrinaq; normam concedendi, quam accommodatissimum & gratissimum remedium proponeremus. Igitur ubi hoc unum non inusitatum elegimus, fraternam nimirum collationem seu colloquium charitativum, visum est, Vos Illustrissimi, Illustres, Magnifici, Generosi, Nobiles, Clarissimi, Spectabiles, Eruditi & vestris titulis honoratissimi, quicunq; in hoc inclyto regno Poloniae eiq; unitis Provinciis communi jure legibus politicis estis consentientes, sed doctrinâ fidei dissentientes, ad illud Torunium Regiam Civitatem ad diem decimam Octobris in Anno Stili Gregoriani Millesimo Sexcentesimo Quadragesimo Quarto  
pera-



peramanter invitare. Neq; verò necessa-  
rium existimamus multis id Vobis svadere, qui-  
bus Studium hoc nostrum optimè, ut speramus,  
interpretaturis, propensa nostra voluntas, con-  
siliūq; placebit, & præterea concordis reli-  
gionis commoda non ignota, discordis contra-  
damna sunt manifesta. Illud unum profite-  
ri polliceriq; Vobis suffecerit initam à Nobis  
augendi honoris Dei, juvandarum animarum,  
stabiliendæ pacis publicæ rationem nemini fore  
præjudiciosam, vestrisq; consvetudinibus, im-  
muntatibus, Privilegiis minimè exitiosam.  
Aderunt insuper opportunè, quibus liber & tu-  
tus ultrò citroq; commeatus patebit, diploma-  
ta Serenissimi Regis & Domini Nostri Clemen-  
tissimi, qui ut bello inclytus, ita pietatis lau-  
de insignis, in ætatum posterorumq; omnium  
memoriam ibit, quod armata in suum exitium  
potissimum ex causa dissonæ Religionis belloq;  
ardente universa Christianitate, ille foris immo-  
ta undiq; pace constituta, ad restituendam Re-  
gno Dominiisq; suis Religionis tranquillitatem,  
cum ipse Regias flexit curas, tum Nos ad eas-  
dem agendas incitavit. Aderit etiam no-  
mine Nostro ad præfinitam diem locumq; Illu-  
stris-



strisimus & Reverendissimus Dominus Georgius Tyszkiewicz Episcopus Samogitiæ, ingenii suavissimi, & propagandi honoris divini studiosissimus, unâ cum duodecim aliis Viris doctrinâ modestiâq; conspicuis à Nobis destinatis, qui singulari animi mansuetudine in Spiritu lenitatis, sine clamoris disputationibus, prætermisissis aculeis, etiam qualibet offensione, hos salutare Vobiscum habebunt sermones. Quod si vos (uti quidem obnixè rogamus) talesquoq; deligitis, qui candido pacisq; Ecclesiasticæ cupido animo huic interveniant colloquio, profectò quandoquidem Vobis in multis fidei capitibus cum Ecclesia Catholica videtur convenire, ubi insuper certa pro certis utrinq; statuentur, ambigua liquidabuntur, verè controversa scripturarum & primitivæ Ecclesiæ aliisq; testimoniis comprobabuntur, haud difficile erit Catholicam veritatem omnibus, quibus ejus fulgor hactenus obscurari videbatur, depulsis, & quàm inania sint, quæ parti huic imputantur, liquido perspicere, pariterq; vobis & cunctis judicare, jure ne præsens secessio & olim facta sit & nunc continue-  
tur. Si unquam fuit resumendæ pacis Ecclesia-



clesiasticæ tempus opportunius, hoc certè  
est, tot annorum pace felicissimum, scilicet  
ut in hac placidissima temporalis felicitatis ma-  
lata, tranquillis animis omnes despiciant  
dulcedinem pacis religionis, atq; alteram ex al-  
tera quærere & firmare condiscant. Utami-  
ni igitur hoc bono Illustrissimi, Illustres, Ma-  
gnifici, Generosi, Nobiles, Clarissimi, Spe-  
ctabiles, & Eruditi Viri, ut vota nostra ver-  
tantur in gaudia non Poloniæ modò & septen-  
trionis nostri, sed cœli universi, sed Nationum  
omnium apud quas pulcrum erit, funestam  
religionis discordiam alibi prius capisse, hic prius  
desiisse. Valete, acceptate, adeste, in Domi-  
no. Varsoviæ in Synodo Provinciali, duode-  
cimâ Novemb. Anno Domini Millesimo Sexcen-  
tesimo Quadragesimo tertio.

L. S.

Matthias Lubienski Archiepiscopus  
Gnesnensis suo & totius synodi  
nomine m. p.







